

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第四二四號

據

宋·凌萬頃撰
清宣統元年刊，彙刻太倉縣志

影印

江蘇省

玉峯志

成文出版社有限公司印行

中國方志叢書·華中地方·第四二四號

據

宋·邊實撰
清宣統元年刊，葉刻太倉縣志

影印

江蘇省

玉峯續志

成文出版社有限公司印行

中華民國七十二年三月臺一版

玉峯續志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

docsriver 文川网
入驻商家 古籍书城

在文川网搜索古籍书城 获取更多电子书

docsriver.com商家古籍书城

二二一

五

飛

出

心

王

光

筆

一

繼

齊

郡縣必有志獨崑山無之豈前人之長不及此哉期會
之事有急於此則謂之不急也亦宜然往無所稽來無
所據識者每以爲歎永嘉項公出宰茲邑百廢具興一
日下扣圖經事以萬頃嘗緝敘一二蓋略焉而未備也
掌儀邊君尤屢於搜訪遂相與編次期年乃成本古經
郡志所附而益以耳聞目見之可考者大概公之修創
增益爲多昔人以笏比甘棠後之覽者猶笏然則是志
爲不徒作矣博雅之士尙訂正之松臞凌萬頃叔度書

玉峯志序

一

玉峯志淳祐辛亥五月修壬子二月刊於縣學預纂修
者書氏名於後

迪功郎平江府崑山縣 尉俞煒

迪功郎平江府崑山縣主簿施丙

迪功郎平江府崑山縣 丞卜稷

迪功郎平江府崑山縣主簿吳堅

承事郎平江府崑山縣主管勸農公事兼主管運

河堤岸搜捉銅錢下海出界專一點檢園田事

兼弓手寨兵軍正項公澤

玉峯志序

二

崑山爲吳壯邑地險而俗勁田多而賦重凋弊積有年矣故於稽古載籍之事多缺焉考之吳郡志雖增書二三其詳不可得而聞公澤承乏學製每與鄉校諸友議斯缺典欲網羅補苴然方有公事未皇也直學凌君掌儀邊君俱有俊譽慨爲己任搜訪掇拾斯已勤矣地理標名財賦之件目嘗與參訂至若廢置因革人物異聞視昔爲詳將求印證於多識前言往行者俄及瓜懼失其傳而二君之勞孤矣始錄諸梓以俟方來庶知今者果不謬古者猶可質云滄祐壬子中和節東嘉項公澤謹跋

玉峯志跋

一

凡例
凡事舊在崑山而今在嘉定者以今不隸本邑今皆不載

凡碑記現存者書其名不載其文不存者載其文

凡事有吳郡志所載與今所修不同者以今所聞見無

異者脩

凡敘人物有本邑人而今居他所本非邑人而今寓居者今皆載

凡事有重見者止載一處餘書見某門更不重載

玉峯志凡例

一

玉峯志目錄

陽羨凌 萬頃 陳留邊 實

卷之上

起例 縣境圖 縣郭圖

馬鞍山圖 沿革 縣境地里

四至八到 鄉鎮 城社

山崗墩墟 水 風俗

戶口 學校 坊陌橋梁

營寨

卷之中

玉峯志目錄

公字 稅賦 課利

官租 縣令題名 名宦

進士題名 人物氏族

卷之下

古蹟古事 土產 封爵

寺觀 祠廟 園亭

異聞

玉峯志目錄終

玉峯志卷之上

陽羨凌萬頃

陳留邊實

沿革

望崑山縣古婁縣也在禹貢為揚州之域在周為吳秦併天下分郡三十六始置會稽郡漢因之婁縣隸焉王莽改曰婁治後漢晉宋齊皆曰婁屬吳郡吳志張昭陸遜皆封婁侯今縣東北三里有村曰婁縣蓋古縣治也梁天監中分婁縣置信義縣屬信義郡大同初郡廢復分信義置崑山今縣西二十里有村曰真義豈亦古縣治所寓後訛信為真耶隋平陳省吳州七縣崑山預焉

玉峯志卷之上

開皇十八年復置唐五代至

皇朝皆因之縣有山曰崑山陸機宅於山之陰縣本因山得名今山乃在華亭而陸氏後又居嘉禾按唐天寶間始立華亭縣本崑山縣地輿地記吳郡太守趙居貞奏割嘉興海鹽崑山三縣地為華亭縣元和郡國志由是崑山有縣之名而山實在華亭今隸境者乃馬鞍山也故自婁縣而分信義自信義而分崑山又自崑山而分華亭至今猶號壯縣則昔之廣袤尤可想見縣鄉一十四都五十二嘉定十年知府趙彥楠提刑王斐奏分安亭春申平樂醋塘臨江五鄉為嘉定縣今所管者九鄉二十

四保而已以上並以前後漢晉宋齊梁陳隋唐書通鑑三國志五代史修

縣境

東西六十三里

南北一百三十里

縣郭

東西三里三十步

南北二里二百八十步

四至八到

東至嘉定縣界三十六里

西至長洲縣界二十七里

玉峯志卷之上

南至嘉興府華亭縣界八十里

北至常熟縣界五十里

東南到嘉興府華亭縣界一百里

東北到通州海門縣界一百五十里以海為界

西南到長洲縣界五十里

西北到長洲縣界六十里

鄉鎮

積善鄉在縣西南三里界止三十六里

第一第二保

朱塘鄉在縣西一十五里界止四十里

第三第四保

全吳鄉在縣西南三十里界止七十里

第五第六保

泖川鄉在縣東南五十里界止九十里

第七第八保

武元鄉在縣東南二十五里界止三十里

第九第十保

永安鄉在縣東四十五里界止五十里

第十一第十二第十三第十四保

湖川鄉在縣東七十里界止一百里

玉峯志卷之上

第廿一第廿二保

新安鄉在縣東北八十里界止一百一十里

第廿三第廿四第廿五第廿六保

惠安鄉在縣東北三十里界止七十里

第廿七第廿八第廿九第三十保

崑山鎮在縣東南一里後廢今薦巖資福寺即故基

城社

按古圖經云縣故有城在東南三百步然今縣境無城以竹木為柵相傳婁縣猶有城基其田尚有城裏田之稱墟落間以城名者舊有十二今可知者七爾東城在

縣東三百步城雖莫考今橋巷猶以東城為名吳志云耕者於東寺後多得古城磚及銅箭鏃

武城在縣西北里漢書婁縣注云有南武城闔閭起以候越今其地疑即是

金城在縣東三里城基猶存相傳云吳王所築今猶有金城浦之稱

常熟故城在縣東一百三十里梁以南沙為常熟縣因築城高一丈厚四尺周迴二百二十步唐武德七年移

縣治海虞鄉城遂不存度城在縣東南七十里相傳黃巢時所築今城雖不存

玉峯志卷之上

猶有城濠及掘地間得城磚

西鹿城即今土山山下有小將軍廟墓碑云死葬於西鹿城

巴城在縣西北十八里其地有巴王墓莫詳其因

雉城在縣西北十八里

東林城在縣北十八里

顏縣城 瓦浦城並古經所載

社壇在縣西南二百六十步清祐壬子知縣項公澤重修仍建齋宮有記

山 墩墟崗

吾邑因山得名玉出崑崗蓋所以比機雲也今山隸華亭邑所有山實名馬鞍近年以來得石鑱之則瑩潔之態儼與玉同得非地因人勝而馬鞍山可以出玉耶嘗有機雲若人者出庶不負此山

古崑山在縣東南高一百五十丈周迴八里陸機居此山機思鄉詩云彷彿谷水陽婉變崑山陰今屬華亭縣馬鞍山在縣西北三里高七十丈山上下皆擇勝爲僧舍雲窗霧閣閒見層出不可形容繪畫吳人謂真山似假山最得其實大畧見張祐孟郊詩及蓋嶼所作圖序皇祐中王荆公以舒倅被旨來相水利夜秉炬登山閣

玉峯志卷之上

五

張孟詩和之遂爲山中四絕登臨勝處古上方爲冠月華閣妙峯菴次之山中又有翠微連雲凌峯垂雲凌虛疑雲諸閣及芝華豐年凌虛諸亭夕秀壓雲翠屏翠篔留雲諸軒名公各有詩見雜詠淳熙閒月華先焚上方次之今或存或廢者不一

土山在縣西北一里周迴一里高三丈又名南山上有卜將軍廟詳見祠廟門

秦柱山在縣南二十里南帶海上有烽火樓基吳時以望海寇吳錄云名秦望山昔秦始皇嘗登此望海今在千坡寺佛殿後高二丈

媯婦山在縣東十八里周迴四十步高一丈五尺上有媯婦廟今大駟村有媯廟山不存趙靈山在縣西南三十里吳淞江南興福寺佛殿後高一丈五尺

馬鞍山之西坡田中有石湧出高六七尺上亦有古樹父老相傳此是崑山不知何所據姑存以俟質證綽墩在縣西十八里古老相傳唐黃幡綽墓在焉因名綽墩

青墩在縣西北十里

塘墩在縣東北里大海橫渚之口

玉峯志卷之上

六

尖墩在縣東六里

天女墩在縣東南十八里地名洪莊村墩上下皆茅葦惟中間一路若有人行者雖植草不生相傳有天子之女葬於此墩莫詳世代墩中有金龍舟每風雨夕卽聞金鼓聲有一村民夜過其處見所謂龍舟者攫取之僅得一人像長可尺許旣歸卽大病復取所攜像置水濱明旦起不見病亦尋愈嘗有強暴者欲發視爲毒蜂飛火逐不果

縣東北三十里地名木瓜其地數十里內有墩九百九十有九村人嘗往發之得金玉之類至縣東南千墩浦

亦有一墩於是湊木瓜墩數號干墩浦一說吳淞江自吳門至干墩浦江之南北凡有墩共一千所故謂之千墩二說未知孰是姑存以俟來者質證之

戴墟在縣西三十里

丁墟在縣東南二十里本名兵墟吳國嘗屯兵於此故曰兵墟今俗訛爲丁墟非也

高墟在縣西十五里今盛氏園中有小山高丈餘中亦隱隱有名

石墩在縣東南六十里

十八里墩在縣南一十八里至和塘傍

玉峯志卷之上

七

廟墩在縣西南一十二里

湯墩在縣東南六十里

唐墩在縣東南三十六里吳松江之南與海口之塘墩名同而地異

相墩在縣西南二十五里

長墩在縣西北十五里

青崗在縣東北四十二里

五家崗在縣東北五十二里莫詳五家之因今村落中賈爲大姓恐以五賈名崗亦未可知

吳郡志攷證外崗青崗五家崗蒲崗屬崑山以證舊經

之誤今外崗蒲崗又分屬嘉定云

邑自太倉以東有所謂岡身曰太倉岡身上岡身下岡身歸胡岡身岡身官路凡有五岡身又有所謂岡門曰彭岡門潘岡門曲岡門大岡門秦岡門應岡門馮岡門金岡門賈岡門邵岡門吳岡門顧岡門丁岡門凡有十四岡門其地勢皆高峻與常州地形相等或謂岡身有路直通南京今止聞歸胡岡身之稱未知孰然當必有博古君子爲之辨證云

水

吾邑素號澤國襟江帶湖朝宗于海而潮汐又往來於

玉峯志卷之上

八

且晝故雖開有水旱而田無不登比年以來豪家勢戶圍田湖中者大半而江湖傍諸浦多爲堰以阻其流由是水勢不相入中間屢嘗開發而淤堰如故識者皆病之若至和一塘由是以達郡者其壅塞尤甚疏而通之當必有爲國家任事者出云

吳松江在縣南九里古禹貢三江之一也書曰三江既入震澤底定韋昭以爲三江者松江浙江浦陽江也今浙江與浦陽江不相入韋說非也史記正義謂三江者在蘇州東南三十里名三江口一江西南上七十里至太湖名曰松江古笠澤江一江東南上七十里白蜆湖

名曰上江亦曰東江一江東北下三百餘里入海名曰下江亦曰婁江於其分處號三江口顧夷吳記云松江東北行七十里得三江口東北入海爲婁江東南入海爲東江并松江爲三江口是則今所謂吳松江乃古婁江也然有新舊江之別嘉祐間吳中水災時李兵部復圭爲轉運使韓殿省正彥宰崑山開白鶴匯如盤龍匯之法知承沈某畧灣取直以開新江邑舊有所謂臨江鄉今隸嘉定者是也江之勢東入于海西入于松江太湖南入于陳湖等瀆北入于鰻鯉湖等瀆江之南北隸於邑者凡有大浦四十四隸他邑者不在焉南則有石

玉峯志卷之上

九

浦道謁浦蕭市浦金竈浦千墩浦注浦張潭浦棠梨浦同北浦諸天浦張浦凡規浦六直浦甫里浦渡頭浦東齋浦刹力浦界浦北則有界浦眞義浦黃瀆浦薛莊浦樂浦心瀆浦華翔浦梁里浦大虞浦小虞浦社城浦廣浦馬仁浦天明浦下駕浦木瓜浦顧幕浦金城浦三林浦瓦浦北矮浦徐公浦安亭浦願浦又有小港支派入於江湖者不一也
新洋江在縣東南六里本有故道錢氏時嘗浚治之其源出于松江而其流溉於岡身中有橫塘通小虞浦其餘支派皆通運河

陽城湖包湖傀儡蕩三水合爲一在縣西北三十里其所通之浦凡十曰吳涇眞義浦黃浦朱昌涇則在其南曰張茜涇上元巴城涇雉城涇則在其北自尤涇雉城涇入于大虞梁里浦則南入于松江諸湖瀆惟此最廣百家瀆大泗瀆二水合爲一在縣北十八里南自新洋江入于松江西自牛尾涇清水港櫻桃塘入于鰻鯉瀆東自岳力湖川塘會于鴨頭塘直入于海肚漕涇對張涇入于岡身有百家瀆詩見雜詠
鰻鯉湖在縣西北十八里南入于小虞浦北入于江家瀆西亦可入陽城湖

玉峯志卷之上

十

江家瀆在縣西北二十里在鰻鯉湖北
鰻山湖在縣東南八十里自北磧澳塘入千墩浦入于吳松江
陳湖在縣西南七十里北自界浦渡頭浦入于吳松江
朱窠瀆在縣南三十里北自東宿西宿兩浦會于棠梨浦入于吳松江
度城湖在縣東南七十里北自石浦道謁浦蕭市浦入于吳松江
小虞浦在縣西柵外已附見於吳松門入郡而趨江者由是而往與新洋江相對於松江之西北諸塘浦惟此

docsriver 文川网
入驻商家 古籍书城

在文川网搜索古籍书城 获取更多电子书

最深闊

至和塘自縣西柵至界首凡二十七里舊名崑山塘從古爲湖瀆多風濤本朝至道中邑人朱珏父子嘗論其事太守陳令公嘗按行之以費浩不果皇祐中發運使許公嘗建此議朝廷差殿中丞王安石相視又會事不果至和二年知縣錢公紀始修治成塘遂以年號名之崑山塘北納陽城湖南吐松江由隄防之不立故風波相憑以馳突廢民田以瀦魚鼈其民病賦入之侵蝨相從逋徒姦人緣之以邀劫行旅通鹽賈以自

玉峯志卷之上

十一

利吏莫能禁父老相傳自唐至今三百餘年欲有營作而弗克也有宋至道二年陳令公之守蘇嘗與中貴人按行之邑人朱珏父子相繼論其事爲州縣者亦繼經度之皆以橫絕巨浸費用十數萬緡中議而阻皇祐中發運使許公建言蘇之田膏腴而地下嘗苦水患乞置官司以畎洩之請今舒州通判殿中丞王安石先相視焉朝廷從之王君既至從縣吏拏荒梗浮傾沮訊其鄉人盡得其利害度長繩短順其故道施之圖繪疏曰請議如許公朝廷未之行也至和初今太守呂公既下車問民所愁苦蓋有意於疏導

矣明年與權爲崑山簿始陳五利一曰便舟楫二曰闢田疇三曰復租賦四曰止盜賊五曰禁姦商其餘所濟非可以勝擬願約故制役民以興作經費寡而售效速若其不成請以身塞責既而令錢君復言之太守嘗念所以興利之計喜其謀之叶從於是列而上聞其副以決於監司乃誠庸力經遠邇興屯舍宿餼薪既成以授有司郡相元君實總之粵十月甲午治役先設外防以遏上流立橫塘以限之乃自下流浚而決焉畚鍤所至皆于平陸其始戒也猖風號羆迅雷驟雨乃用牲于神至癸巳夜半雨息逮明休霽

玉峯志卷之上

十二

以卒其役人皆以爲有相之者始計月餘蓋旬有九日而成深五尺廣六十尺用民力纔一十五萬六千工費民財若干貫米纔四千六百八十石爲橋梁五十二蒔榆柳五萬七千八百其貳河植菱浦芙蓉稱是計其入以爲修完料民之餘治小虞自嚴村至于鰻鱺瀆治新洋江自朱瀝至于清港治山塘自山南至于東浚諸涇六十四浦四十四塘六于是陽城諸湖瀆皆通而及江田無滂瀦民不病涉矣初治河至唯亭得古閘用柏合抱以爲楹蓋古渠況今深數尺設閘者以限松江之潮勢耳耆舊莫能詳之嗚呼爲

民者因循而至此乎是役也自城東走二十里曰任浦崑山治其東長洲治其西以俗名非便於是論請更之曰至和識年號也建亭曰乙未紀歲功也太守嘉其有成謂與權實區區於其間其言必詳命之爲記嘉祐六年十二月立于亭

然塘雖成陸塗猶未備有獻計者就水中以蘆條爲牆兩行相去三尺去牆六尺又爲一牆亦如此澆水中淤泥實蘆條中俟乾則以水車曳去兩牆間舊水牆間六尺皆留半以爲隄脚掘其半爲渠取土以爲隄每三四里則爲一橋以通南北之水於是岸始備嘉祐二年知

玉峯志卷之上

圭

縣韓正同運使李復圭重修熙甯間邑人郊直上奏欲治不果其後開浚者不一塘之南北凡一十七浦南則小虞浦大虞浦梁里浦心瀆浦景浦薛莊浦黃瀆浦真義浦以通于江北則小虞浦梁里浦尤涇高塘涇朱昌涇黃瀆浦真義浦吳涇以通于湖瀼近年壅塞爲甚登舟者直至界首或從江湖迂環而轉則又有風濤之虞云

江湖傍諸浦既各附見吾鄉號爲澤國按圖而索鼓棹而遊凡塘浦涇港之可紀者在積善鄉則有至和塘太倉塘許墓塘顧墓塘交湖塘漢浦塘六河塘櫻桃塘山

塘官塘四塘針塘婁縣上下塘大小虞浦盜瀆浦新漕浦李箕浦馬仁浦李錄浦能莊浦老丫浦浪墅浦迎鐘浦潭亦浦朱明浦莊浦葛浦曹浦廣浦馮浦寒浦丁丫涇陳段涇牛尾涇聰明涇邵涇黃涇黃墓涇石人涇吳涇景涇鄭涇丁涇盛涇清水港斜港

朱塘鄉則有駙馬塘雉城塘聖王塘古塘官塘黃瀆浦界浦下里浦景浦蔣浦心瀆浦平洛浦華翔浦韓溪浦石榴浦東西羅浦淙浦趙浦上元涇市涇師姑涇鰻鰻涇施澤涇黃茜涇温焦涇五千涇二千涇雉城涇全吳涇大小南涇羊丫涇羅莊涇朱舍涇大渭涇黃蘆涇東

玉峯志卷之上

圭

西吳涇楊巷涇尤涇倉涇殷涇張涇新涇廟涇相涇橫涇光涇武城東西港莆港全吳鄉則有曲塘浪浦漁澗浦甘子浦新漕浦宿浦季星涇界涇新涇邵涇徐涇泮川鄉則有石塘曲塘古塘磧磧塘橫涇塘大小石浦陸虞浦干墩浦若里浦善浦道謁浦白段涇坊巷涇寺巷涇小錢涇陶墩涇八千涇寺涇廟涇度城涇張涇大漕港

武元鄉則有茹律塘王孝塘車塘大小湖浦白雉浦墅瀆浦張六浦北弓浦夏侯浦平巷浦大小瓜浦天明浦

黃墩浦陶仁浦小桃浦茅老浦東茅老浦宋浦市浦徐
浦城進涇邵莊涇東全涇大小橫涇黃鄒涇小蔣涇西
揚涇閭涇陳從涇黃泥涇彭段涇泥橋涇莫葉涇廟了
涇獨兒涇新豐涇馬新涇陳顏涇陸巷涇江莊涇南北
殷涇馬涇菱段涇顧皋涇胡浦涇白西段涇東楊涇四
段涇新涇葑涇殷涇趕涇郭涇戴涇趙涇莊涇李涇甲
涇何涇巷涇腰港

永安鄉則有鷄鳴塘黃孝塘郭澤塘曹塘橫塘黃墅浦
三林浦顧幕浦瓦浦小瓦浦北澥浦潘孫浦大小須浦
陳連浦白填浦徐公浦大顧浦金龜浦鴨善浦木瓜浦
玉峯志卷之上

北陳浦南陳浦白鶴浦武桑浦眉浦鄒浦蔡浦彭浦蔣
浦姚浦湯浦瓦浦蘆浦全浦嚴莊涇張師涇中城涇石
了涇官路涇新開涇田婁涇東西潘涇廟了涇朱洞涇
馬湖涇運水涇泗橋涇陸緒涇安亭涇朱村涇據莊涇
交段涇南交段涇鯀洞涇浪涇廟了涇了鮪涇若墩涇
謝湖涇牛洞涇韓村涇塘子涇莊基涇董段涇螺螭涇
米主涇朝廷涇黃了涇寺涇乙涇北涇談涇蔡涇馬涇
了涇刀涇全涇戈涇汙涇鮑涇吳涇陸涇朱泗港
湖川鄉則有湖川塘六里塘新塘東西花浦崔漕浦蔣
漕浦馬漕浦大赦浦涇凡莊涇李黃涇千步涇陶源涇

斗門涇南北陳涇南北朱涇黃思涇吳六涇陸婆涇雙
湖涇馬路涇糜場涇杭陶涇吳涇曲涇眉涇湯涇沈涇
顧涇橫涇蕩涇界涇楮涇十二港甚港

新安鄉則有半涇塘鹽鐵塘杜漕塘葉涇塘鴨頭塘七
了塘小七浦塘古塘洪塘上花浦浪港浦載浦天路涇
寺塘涇六尺涇八尺涇李漕涇梅園涇東張涇棋盤涇
楊園涇石孔涇朱望涇薄秀涇周孫涇尋揚涇東西揚
涇通船涇項王涇南北馮涇謝莊涇壯陵涇壯令涇龔
伯涇馬舍涇大穰涇項脊涇花浦涇蔡墓涇磨羅涇袁
門涇鄒段涇司馬涇鄭涇丁涇新涇鬼涇寺涇楚涇錢
玉峯志卷之上

涇廟涇金涇康涇滌涇黃涇通商港楊林港陶家港東
吳港奚路港三王港直北港斜港施宗義港涇港吳港
施港陸文宗港王守宜港沈宗港孫昉明港沈港曹港
石港盧港孫港中港陳沈裴港
惠安鄉則有上吳塘吉涇塘泥塘官塘侯塘新塘古塘
白芒浦大潮浦盧福浦秧浦中趙浦南北趙浦五莊浦
涇小朱涇因丹涇恬靜涇中洛涇東西杭涇徐了涇下
公涇車漕涇張馬涇小半涇大王涇菱門涇西半涇浪
市涇錢涇湛涇朱涇周涇張涇橫涇姚涇盛涇時涇徐
涇孟涇湯涇葑涇薪涇苑涇斜塘港章五港斜港合九

鄉而言之凡爲塘四十七浦一百零八涇二百五十港三十九共四百四十有四皆名隸朝郡者所謂某家洪某家涇之類皆不在此數

風俗

崑山自昔號壯盛吳諸邑之最繁劇者大抵其俗仍太伯季札之風崇尚禮遜無復好劍多鬪之舊其民務耕織有常業然多奢少儉競節物信鬼神歲節山寺有歲懺爲佛會一月士女駢闐車蓋相屬上元取燈於郡所謂萬眼羅琉離球之類甲天下燈影月色照耀里陌舞歌簫鼓連夕不絕二月望景德寺有釋迦涅槃雙林會

玉峯志卷之上

七

尤盛自三月旦爭往嶽祠拜祈禱賽四月八日尼寺設飯茶供名無礙會是日浮屠浴佛徧走閭里望日山神誕縣迎神設佛老教以祈歲事并社爲會以送神自山塘至邑前幕次相屬紅翠如畫它州負販而來者肩袂陸續後兩日則觀角觝於山之西八月望西津觀潮縣設醮於問潮館綵旗迎潮觀者如堵十月朔謁墓如寒食不拜朔謂之鬼節俗重冬至親朋饋送交馳於道臘月二十四日祭竈婦女不預二十五日食赤苳粥下至婢僕猫犬皆有之有出外者亦分及名口數粥是日爆竹驅儼田家燃炬名照田蠶歲節祀先用除夜焚蒼朮

辟瘟丹家人酌酒分歲夜分祭瘟鬼易桃符向明打灰堆飲屠蘇此一歲風俗大畧惟歲節冬至縣官率鄉之寓賢士友聚拜於學之明倫堂會茶而散禮儀雍雍長幼有序自樂庵李公行之至今五六十歲則它邑所無今令尹項公澤又捐金置田租以充所費云

戶口

古經載祥符間主戶一萬三千七十八客戶三千二百七十二主丁一萬五千三百八十九客丁三千三百零三慶元間主戶三萬五千三百四十二客戶三千七百視昔已多今主客共四萬五千三百六十八戶一十三

玉峯志卷之上

末

萬四千五百口較之古經蓋將數倍生齒日繁則邑之壯盛可見云

學校

縣舊有文宣王廟在縣東南七十五步中以兵火廢唐制郡邑得廟祀夫子大厯九年大理司直王綱爲令始立學於廟垣後黃巢之亂更五代五十年不建至雍熙間縣令邊倣因遺址重立廟門闕甚麗狀十哲於傍王禹偁爲記景祐初范文正公請立郡庠於是亦有學元祐間知縣杜操始建在縣西南二百九十步紹興間知縣程沂重修張九成爲記郡守蔣璨名講堂爲致道

仍書學扁隆興間知縣李結淳熙間知縣葉子強周承
勛紹興間知縣李稠重修各有記慶元間知縣章萬里
改致道堂爲明倫嘉定間知縣巫似重修建大成殿近
歲知縣徐聞詩重修重書學扁學有齋六曰居仁由義
履信教忠成德致道自知縣徐聞詩立月書季考之式
而累政又益置學田由是教養兩備云

唐梁肅縣學記學之制與政損益故學舉則道舉政
污則道污崑吳東鄙之縣先是縣文宣王廟堂之後
有學室中年兵饑荐臻堂宇大壞方郡縣多故未遑
繕完其後長民者或因而葺之以民尙未泰故講習

玉峯志卷之上

五

之事設而未備大厯九年大原王綱以大理司直兼
縣令既釋奠于廟退而嘆曰夫化民成俗以學爲本
是而不崇何政之爲乃諭三老主吏整序民飭班事
大啟室于廟垣之右聚五經于其間以邑人沈嗣宗
躬履經學俾爲博士於是遐邇學徒或童或冠不召
而至如歸市焉公聽治之暇則往數大猷以聳之博
考明德以翼之優而柔之使自求之揭而厲之使自
趨之故民見德興行行於鄉黨洽于四境父篤其子
兄勉其弟有不被儒服而行莫不恥焉僉曰公主設
教嚮其末不墜其本易其俗不失其宜傳曰本立而

道生昔崔瑗有南陽文學志王粲有荊州文學志皆
表儒訓以著不朽遂繼其流爲縣學記俾來者知我
邑經藝文教之所以興是歲龍集乙卯公爲縣之明
年也大厯九年十月望日撰

學

舊管二百四十石

知縣樓條置八十六石六斗七升

知縣項公澤置一百七十一石六斗二升內一十八石

斗升係充茶會用

學租錢

玉峯志卷之上

五

舊管三十六貫一百五十五文十八界二貫文足

坊陌橋梁

里有坊坊有扁所以識道里視觀瞻也邑舊有坊四曰
光化平樂招賢永昌有市二曰都場永安皆舊經所載
今莫詳其所淳熙甲辰文節衛公魁天下始建坊石浦
今令尹項公澤下車以來百廢具舉捐金勸民爲坊凡
三十有二扁皆前簿吳堅所書遂爲邑之壯觀

近民坊 近民館西

覽德坊 主簿廳東

平政坊 陳老橋北

武甯坊 尉司衙東

成達坊 縣學東

朝京坊 西橋

朝宗坊 南柵

婁豐坊 北柵

玉鎮坊 山前

忠正坊 趙忠簡府前

登平坊 倉巷

春和坊 平橋東

登春坊 柵巷

日新坊 前新街

又新坊 後新街

通德坊 鄭大資府前

安定坊 安定橋西

太平坊 太平橋南

積善坊 甫庫橋南

富德坊 甫庫橋北

儒學坊 茹家橋東

寶信坊 寶月橋南

貴德坊 通閩橋東

德潤坊 後市橋南

明德坊 後市巷西

餘慶坊 尊榮橋東

玉峯志卷之上

三

厚俗坊 陳老橋東

片玉坊 陳老橋西

安榮坊 姚家巷南

興仁坊 東城巷南

惠政坊 西寺巷南

進賢坊 醋庫巷內

縣以市名者二曰市心曰後市市心在寶月橋之南後市在後橋之西

縣以巷名者二十有七曰社壇巷醋庫巷東寺巷西寺

巷北倉巷東城巷弓手巷華亭巷後市巷周廳巷項客

巷姚家巷金童巷秦家巷潘家巷鄧家巷童家巷郁家

巷辛家巷孫家巷明王堂巷李侍御巷顧二耆巷陳賣

羊巷楊編笄巷柴巷樊巷

縣橋梁之有名可紀者近七十而郭外者不在此數

寇行橋 縣東橋 太平橋

並縣東

張家橋

縣西

平橋 秦迪橋 酒坊橋

陳老橋 望江橋

並縣南

北倉橋 山溪橋 眾安橋

並縣北

玉峯志卷之上

三

釘行橋 菜行橋 魚行橋

崑山 寺板橋 鎮東橋 紹法巷橋

鎮堂東橋 廟堂西橋 慈濟橋 己上並舊經

秦蔡橋 廣濟橋 朱辛橋

通閩橋 寶月橋 後市橋

姚家橋 甫庫橋 永福橋

東城橋 茹家橋 悲濟橋

羅漢橋 鑽龜橋 蝦麻橋

並縣東南

惠政橋 進賢橋 進福橋

舞雩橋 積善橋 高平橋

迎仙橋 景德寺橋 駟馬橋

迎恩橋 榮楊橋 進儒橋

普通橋 陸家橋 宋塔橋

無不利橋

並縣西南

戊己橋 富春橋 望山橋

萬壽橋 安定橋 迎壽橋

流慶橋 慶元萬壽橋

並縣東北

玉峯志卷之上

全相橋舊經 清風橋 明月橋

半山橋 見山橋 鼇峰橋

慧聚寺橋

並縣西北

營寨

古開江第二指揮

在縣西南二百八十五步元額五百人創於嘉祐間
自朱勔進花石綱盡奪營卒以往其營遂空紹興二
十八年知府蔣璨言於朝
省劄節文太湖者數州之巨浸而獨泄以松江之

一川宜其勢有所不逮是以昔人於崑山之東開
二十一浦分而納之海後為潮汐沙積而開江之
卒亦廢天聖間漕臣張綸嘗於崑山縣開眾浦景
祐間郡守范仲淹亦親至海浦開五河政和間提
舉趙霖又開三十餘浦此皆見於已行今諸浦湮
塞又非前比平江積水兩月未退乞於崑山縣招
填三百人仍泄開江指揮移之

後徙于州至今府之隸役猶有開江兵士之目而邑
之營地遂改為常平倉又改為觀風館又改為全吳
驛又改為務官廳廳廢今隸縣學

玉峯志卷之上

楊林寨在縣東北八十里地名茜涇紹興四年置

玉峯志卷之上

玉峯志卷之中

陽羨凌萬頃 陳留邊實

公宇

公宇觀瞻所以政令出焉惟不以傳舍視之則一日必
葺有興無廢此邦公宇素壯麗非他邑所可及鼓樓重
栒繞兩稔若近民館賞心樓則前所未有今令尹項公
澤所建云

縣衙在縣內正北紹興二年知縣程沂重建舊傳孟尚
書捨宅爲之故今猶祠孟於縣門內之東

鼓樓嘉熙丁酉七月圯於大風因循十餘年屢更令不

玉峯志卷之中

十一

克造淳祐丁未知縣徐聞詩嘗具材植欲造不果己酉

知縣婁條市大木別建視昔高廣今二卿樓公治書額

頌春宣詔二亭在縣樓左右紹興三年知縣李稠建

平政堂在縣治內舊名琴堂知縣李伯長改今名有詩

見雜詠

讀書堂在縣治內知縣葉子強建有詩見雜詠知縣李

伯長改今名

松竹林在縣治內知縣項公澤建

縣圃在縣治內之東知縣葉子強栒中有錦香絃歌蘊

輝亭有詩見雜詠

縣丞廳在縣治之東

主簿廳在縣治之西廳事後名西堂久皆頽圯扁亦不

存淳祐己酉主簿吳堅重建名覽輝堂又新栒高士軒

於廳事之西

縣尉司在縣南五十步舊有隱齋吟月亭分翠軒皆縣

尉王齊興建有詩見雜詠淳祐乙巳縣尉陳肖孫栒書

院於廳事之東

教場在衙內之西舊有立武亭後廢淳祐壬子知縣項

公澤重建

監務廳在縣西南二百八十五步今廢

玉峯志卷之中

二

殿丞廨舍在縣西南今廢

巡塘廨舍在縣西南今廢

問潮館在縣西南二里四十步知縣葉子強建以識潮

過夷亭出狀元之讖淳祐辛亥知縣項公澤重修

觀風館在縣西南二百八十五步知縣李稠建嘉泰閒

改名全吳驛今廢地隸縣學

近民館在縣樓之東淳祐庚戌知縣項公澤建

新江驛今廢

縣倉在縣東北百步

常平倉在縣西南二百八十五步今廢

酒稅務在縣西南二里

商稅茶鹽場在縣東一百步今廢

醋庫在縣西南

戶部漳浦酒庫石浦酒庫新安酒庫各以贍軍吏部

揭闕注官課入版曹兩浙漕臣提領其事月解徑詣臺

縣無預

安懷坊在縣東北一里十步淳祐辛亥知縣項公澤建

春和樓在縣南五十步淳祐乙酉知縣項公澤建

賞心樓在縣東南市心本民居淳祐庚戌知縣項公澤

置徹而新之視春和樓尤為雄壯

玉峯志卷之中

主

稅賦

田地有賦此常制也土地縣表故稅賦盛多考之古經

景德祥符間夏稅丁身鹽錢二千六百餘貫絹一萬五

千三百四疋綱七百七十疋縣一千三百屯秋苗米一

十萬有畸慶元間夏稅倍其數縣十倍之秋苗則益以

八千石自嘉定分治東邑賦隨地遷由是歲輸減半

今列見管者於後

秋苗

額管五萬九千八百四十七石五斗九升內糯

苗六千二百一十四石三斗八升八合折苗四

千七十四石二斗二升

自淳祐以來平苗十石以上及折苗糯苗皆在

府倉輸納平苗十石以下在縣倉輸納郡又差

吏監廢以平苗月據所納多寡徑拋下支散許

浦水軍縣不干預仍以折苗一千一百五十三

石八斗五升借縣務充糴糯酒本然坍江事故

荒白及改為圍營沒官等田者甚多故每歲所

催合三色僅及五萬餘石已該蠲放

夏稅

折白和買錢六萬三千一百三十三貫九百五

玉峯志卷之中

四

十七文然坍江事故荒白及改為圍營沒官等

田者甚多故每歲所催止四萬餘貫

役錢

縣管催積善朱塘全吳新安惠安鄉共六千六

百五十貫一十二文

縣丞廳催泮川永安武元鄉一千九百九十貫

五百文

課利

稅賦之外有課利所以供趁版計等錢而所取辦

者酒稅而已酒息之多寡視令之能否不可以一

定論若稅錢則坐買包納歲有成例云

使府版帳錢

正月二月分各三千一百五十貫九百八十四文

三月分四千九百一十一貫二百七十六文

四月分四千九百五十八貫九百六十五文

五月分五千一百九十四貫六百八十五文

六月分三千八百四十四貫六百八十五文

七月八月分各五千三百三十五貫八十五文

九月分四千一百七十八貫六百二十六文

十月分三千三百四十二貫四文

玉峯志卷之中

五

十一月十二月分各三千三百四十一貫七百四文

已上並五十八界會五分現錢解發

使府下綱錢

正月二月三月十月十一月十二月分各八貫四百

文省錢

四月五月六月七月八月九月分各九貫六百文省

錢

通判廳帳錢

正分各一千二百七十四貫六百六十文

三千四十四貫九百五十一文

四月分二千七百五十八貫二千七文

五月六月七月八月分各二千七百五十八貫二十

七文

九月分一千九百八十七貫七百三十文

十月十一月十二月分各一千二百七十四貫六百

六十文

已上並五分十八界會五分現錢解發

右具上件守倅廳錢會並係酒息椿辦

通判廳役錢

每月分二百五十貫文

玉峯志卷之中

木

通判廳五六分錢

每月一百五貫四百三十八文

並係五分十八界會五分現錢解發

通判廳五分頭子錢

每月分一十貫文錢會中半

已上三項以役錢及坊名錢椿辦若不足則以酒

課湊發

通判廳截撥下綱錢

正月二月分各三百六貫二百六十文

三月分五十一貫一百九十二文

四月分六十六貫八百一十二文

五月六月分各七十貫六十文

七月分六十九貫九百八十四文

八月分六十四貫六百五十文

九月分五十一貫七百七十五文

十月十一月十二月分各四十貫五百一十二文

已上並係十八界會

遇大禮年分解發使府五百一十三貫七百文

遇大比年分解發使府二百貫文

使府不排辦人使錢

玉峯志卷之中

七

每歲二百五十貫文

已上十八界會並以本縣酒息椿辦

提刑司吏祿錢

每月八十八貫七百四十三文

三分錢七分十八界會

提舉司吏祿錢

每月七十六貫六百文

已上二項催湖川鄉役錢并雜色錢湊解

提舉司接官頭子錢二百貫文

十八界會子遇接新憲時行下支發

提刑司職租頭子錢

每月四十七貫二百六十四文

十八界錢會三七分

通判東廳職租頭子錢

一百一十三貫七百一十九文

十八界錢會中半

通判西廳職租頭子錢

三百三十八貫七百九十四文

已上四項並於職田頭子錢椿辦如不足則以職

田米撥糶湊解

玉峯志卷之中

八

官租

官租名色九十日朝籍園田

舊隸安邊所

版帳園田

舊隸本縣以助版帳月解續淮東總領徐掾取隸總

領所而版帳月額不減

沒官田

舊隸憲倉兩司

常平官租

舊隸倉司

投買常平官租

舊隸本府

草蕩圍田營田沙田沙地塗田

舊隸倅廳

舊例圍田每畝二斗沒官田每畝五百省錢投買常平田營田每畝六升五合自淳祐七年尙書省置田事所差幹辦公事業啓馮端符縣丞樓條扞量於是又增新續改正兩項圍田雖嚮之隱賦不輸者皆不可逃然租額比舊增多圍田每畝四斗營田沙田投買常平田每畝三斗沙塗田每畝二斗沒官田依鄉原例斗器不等

玉峯志卷之中

九

圍蕩營蕩沙地每畝十八界一貫並隸田事所近淳祐庚戌又以新舊籍圍隸田常平田沒官田沙田營田隸淮東總所若田畝之虛實租額之重輕又未可以一歲為定後之能察民瘼者轉而上聞民之幸也

諸色圍田租米

六萬七千二百九十三石六斗

營田租米

一萬八千一百八十石一斗二升

沙田租米

一千四百四十四石七斗一升五合

新舊籍沒官田租米

四千七百九十九石一斗四升五合

常平田官租米

二千一百八十二石一斗四升

投買常平田官租米

一千七百一十石

蕩錢

一萬七百貫六百六十五文

學田租米

已具學校門

玉峯志卷之中

十

職田租米

知縣四百四十六石六斗一升

縣丞三百四十四石五斗八升

主簿二百三十九石九斗七升

縣尉二百二十九石八斗九升

監務一百八十七石四斗七升

楊林巡檢一百二十一石七升

已上並省斛

安懷坊租米

五百二十四石六斗九升五合項知縣任內用錢交

docsriver 文川网
入驻商家 古籍书城

在文川网搜索古籍书城 获取更多电子书